




De Kriebel is een orgaan van de Karnaavalsvereniging de "Moerebuuk".

De Kriebel

1997

HENK 1



**ORDE
VAN DE
ROLLENDJE
GULDJE**

45e jaorgank

Beste Moeëre en Moeërinne,

Wae staon weer aan de veuraovendj vanne vastelaovendj 1997!

Veul werk is al gedaon en met ein aantal zake is men nog drök bezig. Zoeë as djer zootj is deze Kwakel weer oppe tied klaor, wae winse uch hieël veul taesplezeer. En roope uch op, oom aktief deil te numme aan de vastelaovendj 1997.

Want same mötte wae ut loch make, De Prins goit vourop en wae hope dët gae hum zultj steune wiej djer anger jaore auch höbtj gedaon. Veul plezeer met dees daag en tot op ein anger jaor.

De Redaksie.



Moere en Moerinne:

Ut aafgeloupe jaor is ein jaor gewaest, dät wae as Prins Frans en Prinses Gerda noeëts zulle vergaete. Toen ich waerdje oetgerope as Prins vanne Moerebuuk 1996 hōb ich uch gevraagd oom oos te steune en te helpe veur de vastelaovendj 1996 te doon slage. En ich kan uch gerustj stelle, ut waas gewēljig. Daoveur ooze hertelikke dank. Spesjaale dank aan miene adjudant Piet Custers en Maria. Hae waas altied oppe sjuuste plaats, woeë ut nuēdig waas. Ich hoop dēt ze der auch veul plezeer aan belaeftj hōbbe. Roy en Jeroen weit ich hieël zeker dēt die bliej woore, dēt wae Prins en Prinses woore, want zoë kōste ze auch de bleumkes boete zette en dāt is heur hieël good gelōktj. As gae mich vraogtj waat de meujelikste tied vanne vastelaovendj is gewaest, den is ut antjwoord mēkelik, ut aaftraeje. Toch bin ich neet hieëlmaol verdwene oet ut zicht vanne Moerebuuk, want ich bin lid gewore van de Vastelaovesvereniging. As Prins steiste altied inne belangstelling en weurdj alles veur dich gedaon en noe wil ich auch de henj oete moewe staekte veur de noewe Prins. Wae winse Prins Henk en Prinses Gerrie en Jeugdprins Ruud en Jeugdprinses Rosita eine sjoēne vastelaovendj en winse heur veul succes. Aafsluetendj met mien motto:

1952

Bliefse mēt mich doorzakke, den moosse de bus pakke.

Prins Frans I en Prinses Gerda.

Proclamatie van Ruud en Rosita

Samen: Wae Prins Ruud en Prinses Rosita

Ruud: Twieēdje en slumste zoon van Lambert van Hoover Jac en Wies van Keppels Sjeef en zeker de leste Jeugdprins van bie oos thoes

Rosita: Joongste dochter met ut groeētste laeve van Jan van Wullem van Sillegraad en Birgitte Blankers oet de straat van Pieērke Pensplen

Samen: Wae, van keuninklikke blood, wae loate euch weto:

Ruud: Det ich bie mien voetbalteam de reddendje ingel ben

Rosita: Zoë good jao, det zelfs ich nog kan score!

Ruud: Bloze doon ich neet zoë dek, mer det kumptj auch neet zoë krek!

Rosita: Oefen miet die daag mer good, dan kriegtj dien mam auch weer mood.

Ruud: Tractor rieje doon ich gaer, mer auch rieje ich gaer de baer.

Rosita: Toch meuks dich auch waal ins brokke. Kiek bie uch achter mer ins nao die hokke!

Ruud: Met mien vreunj hutte bauwe op de boorderie, det is mien groeētste leefhubberie.

Rosita: As dich met de tractor aan ut werk wils gaon, zulle die hutte toch echt neet lang staon!

Ruud: Ich gaef noe ut woord aan de Prinses.

Rosita: Ut leefst zit ich met ein book, in bed of in eine hook

Ruud: Kiek mer oet met al det laeze. Dangerdaag bes ze neet mieër te genaeze.

Rosita: Moele make zijt mich in ut blood, en daobie kin ich det auch good.

Ruud: Wae zulle ins kieke wie lang ze det nog kins, as ze noe al zoë begins.

Rosita: Ich hub noe auch ein gitaar.

Ruud: Daomet bes ze auch sjoēn de sigaar.

Rosita: Ich poongel gaer met katte, want det zeen pas echte sjatte.

Ruud: Veur al die sjerpe negel; kiek mer oet, straks hub se niks as kratse op

1952

dien leuke snoet.

Samen Omdat we neet van te kooi wille van trekke
goan wae der dit jaor ins flink aan trekke.

Nao alles good te hubbe oetgeploze,

hubbe wae daoroom de Orde van ut Trekterke gekoze.

Oze Besjermhieër Meister Roumen heltj oos aanne handj

as wae trekke door ut Moeërelandj

Hae preektj de ganse daag

euver van alles waat neet maag.

Toch duit ter good zien best

Dit sjoetj jaor veur oos ut lest.

Wae motte van boete ut dörp komme,

mer dao huer se hum noeëts euver gromme

Wae sloete daorom aaf met oos motto:

Auch woëne wae get boetenaaf,

in ut dörp make wae ut te gaaf!

TE GAAAAFI! TE GAAAAFI! TE GAAAAFI!

1952



Ein weurdje vanne Prins:

As ich inne per kroep veur dit stukske inne kwakel, heb ich at 5 daag gere-
geerdj in 't moerlandj. In die 5 daag zeen mich de auge al ein paar kieër
ope gegange. 'T entoesjasme van de minse die os gelök winse, die os sterk-
dje winse veur deze vastelaovendj, die 't allemaol neet begriep en der niks
van gemerktj hóbbe, dët is hertverwermendj. Auch hób ich dees ieëste daag
al flink aan mótte pakke bie 't oprume vanne zaal nao 't prinsebal. Tweë
aovendje hób ich vergaderdj met de raad en 't bontjeaovendjcommittee. Den
zuuse pas watter allemaol gedaon mót waere om ein bietje vastelaovendj te
veere in Ell. Veur de leje vanne raad is 't neet allein saoves op stap gaon
zoeëas veul minse meine, mer ze zeen der sangerdaags weer vrelselik
vreug oet om waer aan te pakke. Dao zeen der den waal ein paar bie die gèt
sjeif kiek, ein lank gezicht hóbbe en eine dreuge keel, mer dët trektj nao ein
tas koffie langzaam weg. Dët alles weite de meiste minse neet ins, mer ich
hób dao bewonjering veur. Auch 't bontjeaovendjcommittee en de artieste
steke veul tied inne vastelaovendj. Al dees minse, auch die nog achter de
sjerne wirke, make 't veur de vastelaovendjveerders onger os meugelik om
ins good oete bandj te springe. As Prins weurse door dit entoesjasme gedra-
ge en ich zal der auch alles aan doen om same met de minse die der ins oet
wille mette vastelaovendj lekker te hosse, te zinge, te springe en te drinke.
Aan al dees minse draag ich mien motto op, zoeëdët ze tege diegene die
gein zin hóbbe of der niks aan vinje kunne zegge:

**Liktj neet te zeure en haadj eure kop deze vastelaovendj gaon ich veu-
rop.**

Prins Henk I

Weurdje vanne Vorst

Moerebuuk, **KARNAVALSVERENIGING**
 Wae hōbbe dit jaor ein kort en hōvig seizoen. Alle activiteite mōtte op korte
 tied gebeure. As ederein weer net zoeē oet de hook wiltj kome wie de aafge-
 loupe jaore den mōtte ongevieër alle Eller minse euverore dreije. De organi-
 satie heet der weer flink aan getrokke en wae bedanke alle medewerkeers en
 vrieuwilligers veur de enorme biedrage die dit jaor weer geleverdj is.
 Jaomer is waal dēt de Leedjesaovendj neet door heet konne gaon. Dēt is
 zunj veur ut werk dēt ter toch al ingestoke waas. Ich hoop tōch dēt de Leed-
 jesaovendj in de toekomst zal lōkke, want ich weit zeker dēt in Ell talent
 genoeg zitj oomr gooj leedjes te make. Ut probleem is dēt zomers de zake
 veurbereidj mōtte waere en den steit de kop neet echt nao vastelaovendj.
 Wae haoje mōd dēt ut nog ins oeēts zal lōkke!
 Aafslōetendj wins ich euch gooj vastelaovesdaag en wil ich euch vraoge
 oom oos Henk, Gerrie, Ruud en Rostita te steune. Zie gaon veurop; wae
 loupe der achteraan!
 Gooje vastelaovendj eine!

Vorst Jan

1952




Ein ongelukske met dees daag
 det is om te verrēkke
 Laotj uch vān te veure bie
 Knapen good dēkke



Zendj gae ein bonk
 plantje voor dune kamer
 of pot zaadje om te pooten
 of eine sjoone bonk haare
 dan motj gae ins bin de
 speeldst op det goland
 Verkeag, azukemo

Bie Slem
 Inne Bachelorclub
 is ut good
 Dao kriegtj der
 genōg Grolsch
 In uch blood



Veur daagelike verse greente
 hoortj gae neet wiet te loepe
 want die kintj gae bie de
 Veer Seizoenen koepe



Den motj gae zeker ins bie
 Sjra of Linders aanbelle

Mōt gae motorongerdelle
 of gēt anger spul,
 gaotj nao Knapen,
 want die hōbbe vul.



Lecker en
 gezondj

In de kasse van Coolen
 kintj gae komkommers hoole



Veur bin alles en neq qet
 Bie Oasus vintj gae det
 Room - kunst - kade

blomme hame van mure

Kleine Poema in Ell:

Aafgetoupe jaor op eine zunijgmurge sting ein vrouw oet Ell op. En zaag tot heur verbazing oppe kamerat ein paar hel keutelkes ligge. Bie nader ongerzeuk bleek dët der auch nog ut ein en ut anger waas aafgestoeëte vanne biezèt teufelkes. Zie sjriktj en dinktj dao is eine binne gewaestj of is nog binne.

Zie aant zouke aan en niks te vinje. Opins trèktj ze de bank vanne moor aaf en jaowaal huur dao zaat eine kleine poema (kat) die heur hieël angstig aankeek. Die kat bedinktj zich gein moment en vluugtj van achter de bank oet nao de angere hook inne kamer achter de stereotoren. Die vrouw al ins geprobeerdj dët bieëst dao achteroet te kriege, mer dët lukdje neet zoeë ein twee drie. Toen de bure mer oom raad gevraagd.

De ein buurvrouw zeet probeer ut ins met mèlk en de anger buurvrouw zeet spuit ze ins naat met water, want dao zeen kalte bang veur. Vanalles waerdje geprobeerdj.

Ieërst waerdje de kamer half ontruumdj, de meubels aanebantj gesjove zoeëdët ze nurges mieër achter kòst kroep. Daonao waerdje kumkes mèlk gezatj vaanne eine hook vanne kamer, nao de keuke zoeëdët de kat wist wiedët ze nao boete most kome. En Nel zaat boete intusse te wachte of de kat mesjien oppe mèlk aafkwaam en zoeë nao boete, as der nemes binne waas. Mer niks hò, Nel weer nao binne en ut advies vanne anger buurvrouw mer opgevolgdj en ins met water geprobeerdj. Ze ging op ein stoel staan en met ein plantjespuit oppe kat gespote en ins met eine spinnejaeger gepordj oom de kat in beweging te



kriege. Toen dët neet heelp is ze de buurt aafgegaon of mesjien eemes ein kat kwiet waas. Mer de buurman meindje dët ut ein zwerfkat waas want hae haaj ze al ins ieërder zeen roondjdwale. Waat noe gedoan. Ze paktj de telefoon en belj de vieëarts op oomte vraoge of dae ze neet met ein verdouwingsspuut kòst vange. Want bie die kat kòste op gelne maeter nao bie kome, die groomdje zoeë miljaars lieëlik dët ze der bang van

woors en ein kat in ut nouw kan rare spronge make. Mer de vieëarts haaj ut drök die woore bezig met ein paerd en asse dao met klaor woore zoeëje ze kome. Dët deurdje en dët deurdje en de kat die groomdje mer. Toen dacht ze, ich bel de brandjwaer ins oom te vraoge of dët die mesjien ein pak hóbbe met handsjoon oom zo'n bieëst te vange, mer die haaje auch niks. Toen de verzekeringsagent opgebeldj oom te vraoge of ze waal verzekerdj woors as zo'n bieëst dich inne gordiene zoeëj vleege of gèt anders verneeldje. Mer helaas dao waas de verzekering neet veur. Waal as dët ze wist woëdët de kat van waas, den kòst ut oppe WA verzekering van de eigenaar van de kat. Mer dae waas neet bekintj. Dus mer rustig blieve en aafwachte. Mer ut deurdje toch waal erg lang en toen besloot ze de Reddingsboei in Gelaen op te belle. Dët is ein asiel veur zwerfdiere. Mer dao kreeg ze ut antjwoord: "Dët geit zoeëmer neet, dao hóbjt gae toestumming veur nuuidig vanne politie, die beoordeile of dët nuuidig is dët wae die kome hoole". Ten einde raad mer nao de politie gebeldj, mer dao kreeg ze as antjwoord, probeer de

kast mer te vertrèkke. Mer dët waas te geveërliek, want den môst ze met de kop vlak bie de kop vanne kat kome oom dae kast te konne versjuuve.

Toen zeet de politie, den wacht de vieëarts mer aaf en as ut dae neet luktj den bel mer trök, den numme wae maotregale. Zoeë gezag zoeë gedaon en mer geduljig oppe vieëarts gewachtj. En jaowaal huur oom ein oor of twee dao kwaam de vieëarts.



Toen haaj die vrouw al vanaaf half tieën met die kat gezaete. De vieëarts kiektj ins en zeet dët luktj mich soonger hulpmiddele auch neet. Ich zal effekes nao de praktijk gaon oom eine vangstek te hoole en zal ze den verdouwe. Dët zoëë gedaon. Wiedët der dao vangstek (eine lange stek met ein lus der aan) oom de kop vanne kat haaj gemiktj, kôst der de lus aantreke en de kat achter de kast oothole. Wiedët die achter dae kast oet kwaam vloog ze aan dao stek vanne eine kantj nao de angere kantj inne kamer. Wiedët ze eindelijk ein bitje bedaardj waas, kôst de vieëarts ze ein spuit zëtten en eindelijk nao tieën minute dao veel ze in slaop, en sleep ze wie ein poesje. De vieëarts heet ze mêtgenome nao de praktijk en daags daonao is ze nao ein diere-asiel gebrachtj. Woeë de rechtsmatige eigenaar ze weer heet kinne trök hoole. En ze is weer in Ell gesinjaliseerdj.


Bevalling:

Leo kumptj te laat op kantoeër. "Num mich neet kwaolik, menieër, mer mien vrouw heet ein moejelikke bevalling gehadj."

"Dët is in orde", zeet de chef, "Ich hoop dët alles verder good zal gaon." Twieë daag later kumptj Leo weer te laat.

"Num mich neet kwaolik menieër, mer mien vrouw heet vannacht ein moejelikke bevalling gehadj." "Waat zooste?", reuptj de chef verwoonjerdj. "Is dit ein grepke? bevaltj dien vrouw oom de angerste daag?"

"Nae, menieër neet zie zelf. Ze is vroedvrouw."



XX Derckx

Staalbouw
Derckx b.v.
Weert

Uche partner en
spesjalist in
staalconstructies



Veur spoulgood, ein leuk
presentje of veur hoeëhaagelike
zaake
ze wette bie Govaerts
der uch waal
get van te make.



Wiltj gae eine grote pot bene,
veul planter en get gein,
Mèt gae bin Rinsen en Rinsette
van de Preule zijn

Hubtj gae
kabelwerk ?
Den is
van Geleuken sterk.



Veur ein lekker wünsjtje
lepke of sjetke
mer auch veur ein biefke




steit ooze slegter
veur uch klaar



Met die daag good aete !
Den molte wae zeker de
sjampions van Koolen en
Heijkers neet vergaete !



Nog effe nao
Sjoeëheidssalon



Zuus se der good oet, den veuls se dich good.
Veuls se dich good, den zuus se der good oet

Hubtj gae lost van uch solere
In de bein of inne nek
Den is Beekman de juiste plek



Noewe fiets:

Kelsey van Maurice van Tjeu vanne Slechter, kreeg van Sinterklaas eine noewe fiets. Vol trots ging ze saaves nog met heure noewe fiets nao opa Tjeu. "Opa, ich hōb eine noewe fiets gekrege van Sinterklaas. Hae steit hie boete, mer ich hōb hum waal aafgeslote." "Dēt hōbste good gedaon", zeet opa Tjeu tege Kelsey. Ongertusse haaj Kelsey zich de jas al oetgedaon. Wie dēt ze hum ootgedaon haaj, deej ze hum zich auch weer direct aan. "Waat noe", zeet opa Tjeu, "geiste alweer". "Nae", zeet Kelsey, "mer ich bin vergaete ut leegt oet te zette."

De Toeënbank:

De kinjer van groep veer, die dit jaor de kommunie doon, haaje met de meester en de juf-frouw al ut ein en anger doorloupe as veurbereijing oppe kommunie. Zoeë vroeg de meester aane kinjer, of dēt ze auch wiste wie dēt de taofel haeltj, woeëdēt menieër pestoeër achter steit onger de Mēs. Woeë op ein jungske de vinger opstook en zag: "Dēt is de Toeënbank, meester."



Brutaal:



Ein vrouw stapjt nao ein jungske van ein jaor of tieën, dae steit te rouke. "Wèlj dien moeder dēts doe roukst?" Woeë op dēt jungske zeet, "waeltj diene mins, dēts doe oppe straat wildj vreemdje kaerels aansprikst?"

Verkieërdje Vergadering:

De aafgeloupe maandje is der weer hieël gēt vergaaderdj. De ein nao de anger en soms zelfs op twee plaatse tegeliek op eine aovendj. Zoeë waas dēt auch op eine maandig aovendj:

Ron van Piet van Roy kwaam ut dōrp in en wist eigelik neet good mieër in welke café ut te doon waas. Mer gelökkig dao zuut Ron Karien van Oasis bij Siem binne gaon. Hae dao auch binne, zetj zich aane tap en vreugtj aan Siem, "Is hiej vergadering?" "Jao", zeet Siem. Ron besteldj ein glaas beer, mer haaj toch ein raar gevoel en vreugtj nog ins aan Siem: "Welke vergadering is hiej den." Woeëop Siem antjwoordj: "Vanne ongernummersvereiniging." "Joa mer", zeet Ron, "ich mōt oppe vergadering vanne Boontje Aovendj zeen. Is die den soms bie, bie, bie, wiej haeltj dae auch alweer?" "Jé", zeet Siem, "vraag hum dēt zelf mer, hae zitj naeve dich." "Nee", zeet Rinus, "bij ons is geen vergadering zover ik weet." "Oh", zeet Ron, "den is die zeker bie Tjeu, mer dēt is neet erg noeë hōb ich den auch ins kinnes gemaaktj met Rinus." Foutje bedanktj!






Ein dink waat alle
Moerebuit weete mooge
Bie Tjeu kins ein
lekker glaas beer drinke
En det is zeker neef gekooge



Likt gao mât
waho fints euvverhaup?
Gaojt den nao Albèr
Want dao zeen onperdele en
gebroektje fietse te kaup

Laotj Marlies
get veur uch klaormake
den kintj gae ut uch
lekker laote smaake



Siertegels of betontegels
ein stuupke of ein paedje



Gaojt nao Wim, det is de man
dao det veur uch make kan



Kiektj ins get dekker inne
speegel van Iris haar zaak



wiltj gae ins danse
of kriegtj der dorst
Gaojt den ins binne
biej Ellenhof



De milk is dao zoeë lekker.

De vlaai is dao zoeë lekker.
Natuurlik bie Thijs, oaze weime bekker.



Wis djer al....

- Dèt de aoj Prinse zich weer bieein gepaktj hóbbe en van lied tot lied weer bieein kome. (auch roondj ut vastelaoves-sezoen).
- Dèt ze ein vereeniging hóbbe opgerichtj van Aoj Prinse.
- Dèt ze aafgeloupe jaor gesjoote hóbbe oom de titel Keuning en Keuningin van de Aoj Prinse.
- Dèt Tjeu van Kunne Keuning is gewoore en Corrie van Hub Keuningin.
- Dèt ze good gegaete haaje van Bart zien verke en geine dorst geleje haaje dankzij Bèr zien vaat beer.
- Dèt de planne veur ut volgendje jaor en veur ut jaors drop al gemaaktj zeen.
- Dèt de aoje Prins Jos oppe sleuteleuverdracht veurig jaor ein anger Prinses bie zich haaj.
- Dèt Miek vanne Sijlder meindje dèt ze de boorebroed waardje, want ze haaje heur gevraagdj oom met te wërke.
- Dèt ze veiertieën daag met dèt idee roondjgeloupe heet en der toen achterkwaam dèt ze ein vanne aojers van ut broedspaar waas.
- Dèt Ron van Mlet allein broedegom woeëj waere as Mirjam van Wiel van Toesem broed zoeëj zeen.
- Dèt wae oos noe aafvraoge of der noe toch nog zien jeugdleeftje gestriktj heet.
- Dèt JWE auch weer sjoëen kalenders heet gemaaktj.
- Dèt de modesjoow van Boefie en Oasis good geslaagdj waas.
- Dèt de "Prairie Country Dancers" al zoeë beroemdj zeen, dèt ze oppe televisie gewaestj zeen.
- Dèt Nol ein geveerlik beroep heet as vrachtwage chauffeur, want hae môt klappe kinne incassere en zich kinne were.

Kepper Variété en Evenementen Buro

Kepper treedt op voor jong en oud.
André & Lorie organiseren feest
groet en klein.

Opentijd, vult, danst en lacht en nog veel meer!



gewoon gezellig ... hartstikke lekker!

Kintj gae allea nog mer
veutje veur veutje
en neet heller,
gaotj den ins na
Wies, Bep of Toos,
danzo laupj-der weer
sneller



Is der get naef in orde met
eur kot of euro hond?
Snel nae de dierendokter
want dao make ze die
weer gezond!



Hubj gae ein pekske
dof weg mot vandaag of mürge
Laofj den de Koertersdienst
dit snel bezürge



Vreemdje talen
liggen uch neet?

Den nao
Custers
taaladviezen

Is euvemachte in ein hotel uch te deur?
Lantinga heel den
waal ein caravan
te heur!



Euvemachting inne Ardenne:




Zoeë as djer mesjien al gehuurdj höbtj, zeen in decemer
1996 foto's van Prins Frans en Prinses Gerda en van 1995
van Prins Jos en Prinses Nellie gemaaktj. Op ein gehieël

anger meneer as veurige Prinse-foto's. Vol-

ges Jan waerdje ut inne Ardenne nog sjoëner foto's. Mer
oom ongerhalf oor te rieje allein oom foto's te make voojje
ze eigelik te gek, daoroom höbbe ze met ut bestuur beslote
oom der mer ein weekendje van te make. Nou dët höbbe ze
gewete. Nao ein good verloupe aankomst, sling as iëerste
oppe agenda de Foto's, naodët ze ein lekkere soep met be-
legdje bruidjes gegaete haaje. Ut veurdeil waas dët ze thoes
al de uniforme aangedaon haaje en koste ze direct nao ut aete
ein sjoëen plaatske zeuke veur de foto's te make. Zo'n drie kwarteer later



waas ut al ge- beurdj en kost eederein zich verkleije veur de
verdere aovendj door te bringe. Eederein haaj inmid-
dels auch al veur ein eige slaopplaats gezörgdj en ut bed
in orde gemaaktj veur de nacht. As volgendje puntj
waas der ein zwijnetoelt. Eederein dae zin en interesse
drin haaj kost der aan metdoon, dao waas niks verplichtj. Naodët ei-
genaar Cor alles oetgelagdj haaj euver deze tocht, woore der al ein
paar (veural da- mes) met gët sjrik en mûste der toch efkes euver
naodinke of dët ze dët waal aankoste. Verder wil ich dao niks euver verklap-
pe. Der zeen eeder jaor weer minse van deze kantj, die auch zo'n
weekendje dao nao toe gaon. Ut zoetj jaomer zeen asse noe al koste laeze
wie zo'n tocht verluptj. Degene die neet metgegaon woore (9 persone),
höbbe later waal ut helst gelache om die wijj zwijne. Ze haaje intusse ge-
kaartj en rummikub gespeuldj. Toen later eederein bekome waas vanne
wanjeling, ginge wae aan taofel veur ein lekker diner. Daonao waas ut tied
veur gezellig samezeen onger ut genot van ein pilske, ein wienke of gët fris.



En zoeë waerdje ut laat en later, de eine nao de angere ging nao bed. De volgendje daag waas oom 9 oor ut ontbijt. Woeë de meiste nao elne slaapsloze nacht aan deilname. Waat wore wae blij dët de foto's saoterdes 's middes gemaaktj wore, want anders haaje wae dao gegarandeerdj veur trök môtte kome. De voetballers onger oos ginge direct nao ut ontbijt nao hoos. Die anger ginge, nog gët geniete vanne sjoeëne nateur, kaarte of gët anders doon, nao de lunch auch hoeëswaarts. Zoeë kwaam der aan ut gezellige weekendje Ardenne veur alle leje van de Raod van Ellef met aanhang ein inj.

Van eemes dae auch met is gewaestj.

Kinjerlogica:

Volges Tom hoofse allein mer ein kwasje (pasje) te hóbbe en dët inne moor te stoppe, den kumptj ut geldj vanzelf.



Adrem:

Jolanda most efkes veur gët bie Hub zeen en dët ging zoeë: "Hoi Jolanda, kom binne, mer let neet oppe rotzooi."

"Hoi Hub, dët zoeëj ich gaer doon, mer ich zal waal môtte oplëtte wil ich mien puuj neet braeke."

Proficiat en lang zal ze laeve:

Half juli waerdje der door ein joonk stël zakeminse (potte en panne en nog zoeëgët) bie ein anger joonk stël zakeminse vijf vlaaje bestèldj (bie Thijs dus). Goh, sjat waerdje der door ein vrouwelikke stum gezagd, met zoe-



evenul vlaaj, ich dink dët Nicole jaorig is, laote wae effekes proficiat gaon winse. Zoeë gezagd, zoeë gedaon en dus snel ein doeës bonbons ingepaktj en nao de buure. Hendje, kusje, proficiat Nicole. Nicole kiekjt of dët ze ut water zuut branje en zeet wooroom proficiat? Mer doe bèst toch jaorig? Nein,

huur ich neet. Den is Peter zeker jaorig, wooroom anders die vijf vlaaje? Peter is pas in mei jaorig gewaestj en ich in november. Dao sting den ooze werme bekker met zien leërste verkoupster, die effekes sprakeloos waas, waat toch mer zeldje veurkumptj. Enfin, ze hóbbe der same mer eine op gedroonke. Waat oos noeë waal van ut hert mot Francien is, asse in ut Zuide allein mer vlaaj bestèlle as ze jaorig zeen, dët stèltj oos auch niks veur. Want hiej in Ell waere der waal ins veul vlaaje gegaete en dikke potte beer gedronke soonger dët dao ein reje toe is. Dus maedje doe wètst waat dich te doon stelt as bie dich onvurwachs eemes oppe klep viltj, bevoorbieëldj de kwakel-re-daksie. Mer dët is bieje uch gein puntj, want der viltj altied waal gët te snuike en dët beer dët hoolste den mer bie de buuman.




Strenge vorst:

Lèst sunjes dacht Piet ich zal de auto mer inne kasse rieje den startj de auto bacter asdèt ich hum ins nuuëdig hób. Zoeë gedacht, zoeë gedaon. Mer wiedèt der de auto oope woeëj daon, ging dèt neet, de deur waas vastgevroore. Hae nae binne haer. De moeër opgezaj en water werm gemaaktj. Met de moeër nao boeëte en dao waerdje ut sloot ondoeëdj. Hae stapdje in en roej de auto binne. Mer ut vroor zoeë miljaars hel, dèt wiej der oet wildje stappe de deur weer toegevroore waas en dao zaat Piet. Waat noe gedaon, want zien vrouw waas binne en die zoog dèt neet. Hae de auto al ein poeës laote dreije inne hoop dèt der werm waerdje en dèt de deur den weer oope ging, mer dèt luidje neet. Toen de auto weer nao boete gereje en gekeke ofdèt der nemes waas dae hum kòst helpe. Hae dacht ich rieje ins nao Stiene dao is mesjen emes oppe hoof. Hae zoog Fien inne keuke staon en dacht eindelijk hulp. Mer Fien dacht wat raar, kumtj Piet dich met de auto op bezeuk dae zal zoeë waal binnekome. En Verhaag mer zweije achter die autoroet inne hoop dèt Fien nog ins nao boeëte zoeëj kieke. En Fien keek en dacht waat zij Piet toch op mich te zweije, zoeëj der gèt zeen en ze ging toch mer ins kieke. En jaowaal huur dao kwaam ze tot de ontdekking dèt Piet vastgevroore inne auto zaat. Fien binne de feun gehòoldj en dao waerdje ut sloot vanne deur weer ondoeëdj en Piet waas oet zien benardje positie verlostj.



Catrien Kwijl ging doeëd. Ze waas en bleef ein zeiver-muls en begos daobove mer direct ein vraoggesprek met Ooze Leeve Hieër, St. Jozef en Maria. Jesuke maag ich uch gèt vraoge, woeëhaer zoeëj gae trök gaon as djer weer op aarde kostj zeen? Jè, antwoordj Jesuke, ich gaon den direct nao Betlehem, oom te kleke of dèt kraakpandj der nog steit woeë-in ich gebore bin. En St. Jozef woeë goatj gae haer dao beneje? Oh, ich gaon nao Jeruzalem, dao haaj ich ein tumberfabriek en ich wil waal ins zeen wie dèt ze dèt noe doon met al dae miljeu flauwe kul. Ut lèste kwaam ze bie Maria, en gae den Heilige Maagd, zoeëj gae auch nog eurges nao toe wille gaon op aarde, waas de vraog. Jao zeker mien kindj, zeet Maria, den zoeëj ich ins gaer nao Lourdes gaon, want dao bin ich nog noeëts gewaestj.




De noeëwe zuiger:

Jantje haaj achter inne tuin eine sjoëne vijver aangelagd. Vèsse en waterplantje drin en noe mer geniete. Mer dèt haatse gedacht, want waat waas ut geval, ziene achterbuurman Ruud de slechter, dae haaj mich dao eine dikke boom staon. En die verèkdje blaajer weidje bie Jantje inne tuin en inne vijver. Oomdèt Jantje gein herrie wilj met de bure, gin hae met naef Johan mer eine alleszuiger koupe. Henjig toch zo'n dink. Mer waat gebeurtj? De slechter zaat met verbouwing en zoeë. en dae woeëj toch auch waal van diej euverlast van blajer aaf.

gein puntj veur hum, want hae leet de boom direct aafzaege. En dèt waas nog goodkouper dan dae zuiger. Hae waas veur ins en veur altied van dae troep aaf. Waat noe ut ergste is, oppe Seringestraot hooftj noeë gein blaedje mieër te waere opgezuigd. En Jantje zitj noe met dèt dink in ziene maag. Daoroom is noe dae zuiger inne aanbieding tege elk aannemelik bod. Dèt kintj gae doen op dinsdigmurge 11 februari tusse 9.00 oor en 9.30 oor.

Stadvertentie




Raad van Elf Iek:



Waat môste die erm slakkers aafzeen vanne kaofj inne optocht verleeje jaor. Want daobove oppe wage môste ze de jasse aanhaoje. En dèt voonje ze toch waal erg, want den stinge ze der zoeë stief bie voonje ze. Is dèt waal ins anders gewaest vraoge wae oos aaf.

Ut noew Tuinhuisje:

Geer waas de roomel meug achter en daoroom môst der mer ein tuinhuisje koome oom de roomel vanne joong in op te berge. Ein kantj en klaor huuske leep toch waal aardig inne pepeere, daoroom waerdje beslote ut zelf ein te make. Bie de Gamma waerdje hout en latte gekochtj en met de buurman derbie waerdje der begonne met klusse. Ieërst waerdje der gepast en ge-maete veurdèt der gezaegdj kôst waere. Zoeë as bekintj weurdj met passe en maete nog altied de meiste tied verslete, mer dao haaj Geer gôt op gevoonje. Hae haaj latte van dezelfde lingdjes gekochtj die ein bitje te lank woore, mer daoroom hooftje men mer van eeder lat ein bietje aaf te doen. Dao waerdje ettelikke latte op 10 cm. aafgeteikendj en jee, hoo, jee, hoo, dèt zaegde dèt doen wae zoeë waerdje der gezoonge. Klaor, de latte bie-ein gedaon en dao kôst getummerdj waere. Jao daag, want waat bleek, de latte wore allemaol waal van dezelfde lingdje, mer naodèt ze aafgezaegdj woore, toen sjildje der hiej en dao waal ein paar centimaeters. Der waerdje waal gêt genonedduudj, mer waat waar is is waar. Ut is achteraf toch ein sjoën huuske gewoore.



Reparaties,
auto's
tweëdehands
of noew



Gootj'nao
Garage
Heemsk
toe



In de appele
of in de poere
Laotj'ze bie kappen
en Moos mer gewaste

ouch al stiet met dees daag alles oppe kop
mienne service stiet alied dicht veurjou

Hub van Lunte

Geunderschies
terrebeschieting
staumvulling

**Bie ôs kintj gae
mèt vastelaovundj
daag en nacht tappe
Rabobank**

Wiltj gae
uche vrachtwage
van ein anger
kleurke veurzeen
den motj gae
bie Peter zeen

Wiltj gae thoes get sterks
drinke of zelf tappe
Den mot gae ins nao
Slieterie Bacchus stappe



Veur al eur loeënwerk
Snel, good en neet deur



Dao hubbe wae Harry v/d Looy toch veur !

De Boterhamme:

Nol, kastelein aaf, heet ut noe drukker den oeëts, môst met de vrachtwage nog ein behuifrikke rit gaon make. Hae môst eigelik waal nog gêt aete. Mer oom dêt thoes te doon heel eigelik te lang op. As ich noe ins broeëd met num en dêt ongerweges opaet, den kan ich vanaovendj teminste oppe tied thoes zeen en lekker in mien eige bed slaope dacht der. Dus waerdje der vanoet Rotterdam nao hoes, nao ldy gebeldj, met de boeëdsjap, maak mich gêt botterhamme klaor den kom ich die zoeë ophoole. ldy, die zurgzame vrouw, smeertj de nuuidige mik en Nol kinnendje dinktj ze bie zichzelf, dae heet toch geine tied, den kan der die drek pakke en snel weer wegweze. Mer onger tusse haaj Nol al bie zichzelf gedächtj, ich korr lastig de Craenestraot in met mienne vrachtwage en hum urges te parkere en helves te loupe hultj

veulste veul op. Hae weer belle nao ldy.



Zeg vrouw ich kom nèet tot oppe Craenestraot met mienne vrachtwage mer waetste waat, as dich euver ein half oor ins bie de kapper oppe Hoeëgstraot geist staon, den hoofse ze mich zoeë mer aan te gaeve. En dao

sling ldy as ein marketenster langs de weeg oom manleef van dienst te zeen. Waat noe ut ergste is, ze heet aevegood dae nacht veur sjandaal allein in bed gelaage. Want Nulke haaj de thoeshave neet mieër gehoordj.





Ut noeëwe pak:

Harie van zoeë oom en oom de 82 môst veur Kerstmis ein noeëw pak hóbbe. Met Tina waerdje nao de stad gegaon. Hiej en dao ins aan de etalages gekeeke, en oeteindelik mer urges nao binne gegaon. Dao waerdje gèt pek oet de rëkke gehoordj en gepasdj. Nao ein paar aan en oet gedaon te hóbbe, haaj der opins ein aan waat Tina waal aansting. Harie, dèt pak dèt pakke wae mer, dèt steit dich echt sjoeën. Harie bekeek zich nog ins inne speegel, kiejtj Tina ins aan en zeet den echt gemeindj, Tina ich vinj dèt pak neet bie mich passe, ich vinj dèt echt gèt veur oaj minse. Good Harie, as men zich nog altied lekker joonk veultj en dèt auch wiltj wete.

Sexuele veurlichting:

Tjeu waas aan ziene erm geopereerdj en leep al ein tiedje met ziene erm inne dook. Nao ein paar waeke spraak der met eine vriegezelle naober. Goh Tjeu, dèt is toch lastig met zonne erm, doe konst eigelik niks doon. Och, zeet Tjeu dèt werk dèt weurdj veur mich gedaon, mer dèt ich Wilma neet mieër ins lekker bie de borstjes kan pakke, dèt vinj ich veul erger. Piet dao spriktj ein paar daag later met eine angere buurman, en vertèltj waat Tjeu gezagjt heet. Hae vindj ut toch zellig veur Tjeu en Wilma. De buurman dae waal waetj woeë Abraham de mosterd hoojtj zeet den lachendj, laot dich mer niks wies make. Tjeu kan met zien angere erm en handj gemèkkelik aan de borstjes van Wilma kome. Stoomverbaasdj weurdj der gevraagdj, "kinse dèt den auch doon met diene linkse erm?"



Goodkoupe smoes:

Jo, dae heet beslistj neet ein aardje nao zien vaartje, want zoeëlang as hae bie de Raod van Elf is, heet hae dinsdigaovendj nog noeëls oetgedeendj, waat ziene Pap beslistj waal duit. Mer aafgeloupe jaor den zoeëj dèt anders waere, hae zoeëj blieve tot ut bittere inj. Veur hum zien doon haaj hae ut al hieël lang volgehaaje, mer de pupse vele hum ongerhandj toch dicht. Oomdèt te bekinne dèt durfdje der toch neet zoeë good en daoroom dacht hae ein good smoesje gevoonje te hóbbe, "ich môt effekes de hoondj gaon oetlaote en den kom ich trök." Jè, jè, of de hoondj noe is oetgelaote of neet dèt weite wae noe neet. Mer dèt wae Jo dae aovendj neet mier hóbbe trök gezeen, dèt wete wae waal hieël zeker.



Oadjaorsgebak:

Wae weite zeker, dèt der in ut begin van dit jaor eine man is blieve zitte met zien oliebolle, gebakke van maizenameel.

Prinse-foto's

Bie 't oetrope vanne Prins most Alfons foto's make.

Van teveure waardj
om zoeë de
dê de Prins
weem dae
Toen 't oppe
sproke oppe tao-
gerope, keek Alfons 'ns eine kieër achterom, nao de taofel woë de Prins op
zoeëj komme te staon. Mèr doa stong Henk foto's te make. Alfons dacht,
waat steit Henk dao op die taofel te doon, dalik mot de noewe Prins dao
staon, dêt ter toch aanne kantj geit. Mèr Henk bleef staon. Weer keek Alfons
achteroom en nog stong Henk dao, Alfons dacht weer, dêt ter zich noe gauw
aanne kantj meuktj. Mèr Henk stong der nog. En noe wetj Alfons auch
wooroom.



Frans vanne Bus zeet tege Martje van 't BAC, dêt ze de noewe presentator
vanne Bontje Aovendj nog mèr neet bekintj môtte make totdê de kaertjes
verkoctj zeen.

Op de vraog, wie Theo der bie kumptj om adjudant vanne Prins te waere
zeet der: "Jè, bie de politie kôs ich 't neet mieër waere, zoeëdoondje!
(p.s. bie de politie bestelt dees rang neet mieër.)



Wis djer al.....

- Dê de basse van Avantj zoeë good zeen, dêt ze smiddes nog snel ein leedje make, veur 's aoves te zinge op de verjaordag van Shara.
- Dê met de vastelaovendj 1996 bie eine kastelein van Ell met die daag alles opgeruimdj waardje, Toos en Annie ruumdje de was op, maakdje ut bed op en dao waardje zelfs de kelder opgeruimdj.
- Dê Leon van Kessels neet danstj op verjaordage, waal as dêt fieest ein broeloft waas gewaestj.
- Dê Toos van Thijs met ziene verjaordag rupkes gebraoje haaj veur de veterane, mèr good dêt die neet allemaol dao wore, den haaje die anger ins zoeëveul.
- Dê Annie van Wiel van Thoeem ut weer geprobeerdj heet met roeëj unje inne kerstkrans oppe deur.
- Dê ze dit kieër gelök heet gehadj dêt ut flink vroom, zoeëdê ze drek bevrore wore.
- Dê Dick zich vergistj haaj in ut jaorverslaag, inplaats van Posno sjreef Dick Porno.
- Dê dit de dames vanne bestuursleje nog ièrder haaje gelaeze, dan de rest vanne voetbalclub.
- Dê Kelpe-Oler kermis veur Tjou vanne Kaolder eine geveerlikke kermis is.
- Dê wae weer eine gooej Prins hóbbe in 1997.
- Dê Prins Henk I de 46ste Prins is van ut moerlandj.
- Dê ut de aoje Prins Frans en Prinses Gerda zoeë good bevalle is, dêt ze bie de troep bleve.
- Dê ut leedje veutje veur veutje vurig jaor veul gezonge is.

Lekkere mès-wien:

Pestoeër Naus heet oos verlaote en daoveur inne plaats zeen twee vangers gekome. Mer noe zij de köster met ein probleem. Van pestoeër Naus wis der de wienmaot, mer wieveul zoeëje dees hieëre drinke tiedes de mès. De köster dacht zeet mer neet te verkeserechtich en sjut de kolk mer rojaal vol. Waat waas noe ut gevolg nao de mès? De kolk waas nao de mès nog half gevuldj. De köster dacht zal ich de wien mer trök sjudde inne fles. Nae, dèt gelt eigelik auch neet want den bedertj mesjien de hieël fles, wegsjudde is auch zunj. Hae dacht ich drink hum zelf mer op, want dèt zuut noe toch nemes ich bin mer allein inne sakrestie. Zoeë gedachtj, zoeë gedaon. En vervolges droonk de köster de kolk leeg. Hae moust zelfs twee kieër rojaal drinke veurdèt de kolk leeg waas. Zoeë dèt heet nemes gezeen dacht de köster. Mer dèt waas neet waar, want vanoot Bie Tjeu aant buffet kinse zoeë inne sakrestie kieke en de kaarters die haaje dit relaas hieël gevolgdj. Mer dèt wist ooze köster neet. Nao de mès ging de köster heivers soonger eemes gèt de zègge wie lekker de wien waal neet waas. Ein paar daag later waerdje de köster door ein paar Eller minse, die eedere zunjigmurge Bie Tjeu gaon kaarte aangehaoje. En dao waerdje aanne köster gevraagd of dèt de wien lekker waas gewaestj. De köster snapdje der niks van en vroeg zich aaf, wie konne die dèt toch weite, dao waas toch nemes bie inne sakrestie. De köster vreugtj wie is dèt meugelik, dao heet mich toch nemes gezeen. Woeëop de kaarters antwoordje: "Den moute mer ins nao de mès Bie Tjeu aant buffet gaon zitte, den zuuste van alles waat zich inne sakrestie aafspeuldj."

Proost den drinke wae der eine met dich met.



Wis djer al.....

- Dèt ooze Vorst veurtaan Thei haetj as der teminste de broor is van ooze Prins Henk I.
- Dèt Prins Henk eine gooje spraeker is, net wie ooze vorst.
- Dèt Suze tego Gerry zei, veur ut prinsoetrope: "doe zoeëts mer Prinses waere, den mosse al die daag mèt."
- Dèt in Ell aafgeloupe waeke gein elfstede tocht is gehaoje mer dèt dit de Eller-elf-rondjes tocht is gewaestj.
- Dèt de boorebroeloft veurig jaor weer geslaagdj waas.
- Dèt ooze pestoeër Naus aafgeloupe jaor ziene ièerste luchtdoup gehadj heet.
- Dèt der dao ièerst waal gèt tegeop zaag mer dèt der ut nao afloup neet haaj wille misse.
- Dèt meister Roume 25 jaor aanne sjoël van Ell heet gestange.
- Dèt de boontje aovendj en boontje middig veur de bejaarde, weer gewel-jig wore, aafgeloupe jaor.
- Dèt Wim van Kessels de hunj vanne noewe kastelein vanne Prairie oetlijt.
- Dèt oos dit zleër verwoonjerdj want hae is anders al bang veur eedere hondj.
- Dèt der enkele minse oet Ell de marathon van New York hóbbe geloupe.
- Dèt dae marathon auch oppe televisie is gewaestj.
- Dèt der minse zeen die echt meindje det ze Jan van Miet bioj de ièeste drie zoge loupe.

Gehuërdj oom half drie 's nachts inne kroeg: "Ich geluif det wae dalik thoes gët wermis te aete kriège, want ich zeen det mien vrouw steit te koke!"



Olerse Kermis 2:

Vreüger al ginge veul minse nao Olerse kèrmis. Oomdët dae midde inne vakantie vèltj. Meistal is ut den good waer en trèkke veul minse van Ell dao nog haer. Joongere gaon den nao de Smeed woë al jaorelank Normaal optroudj. Eine Eller joong waas auch dao gewaestj mer haaj neet zoeë mèt gedaon aan ut goeëje mèt beer. Hae waas verstenjiger en haaj al zien beer zelf genuttigdj. Daorum zaag hae neet alles zoeë dudelik mieër. Ut waas good gegange euver de Olerse bruk nao Ell mör aan thoes vloog hae mèt ziene fiets de graaf in. Zien broor kwaam dao bie oet en steltj hum de logische vraog: "Wie kums dich dao?" Ut antwoordj waas hieël gewoen: "Ich haaj dao baum neet gezeen want dao steit dao anges noeëts!"

